



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput XVII. De ardenti amore, & vehementi affectu suscipiendi Christum.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

CAPUT XVII.

De ardenti amore, & vehementi affectu suscipiendi Christum.

VOX DISCIPULI.

I. **C**um summa devotione & ardenti amore, cum toto cordis affectu & fervore, desidero te Domine suscipere, quemadmodum multi Sancti, & devotæ personæ, in communicando te desideraverunt, qui tibi maxime in sanctitate vitæ placuerunt, & in ardentissima devotione fuerunt.

O Deus meus, amor æternus, totum bonum meum, felicitas interminabilis, cupio te suscipere cum vehementissimo desiderio, & dignissima reverentia, quam aliquis Sanctorum unquam habuit, & sentire potuit.

2, Et licet indignus sim omnia illa sentimenta devotionis habere, tamen offero tibi totum cordis mei

Y

affe-

affectum, ac si omnia illa gratissime inflammata desideria solus habere excellens
rem.

Sed & quaecumque potest pius sancti, mens concipere & desiderare, hæc etur v omnia tibi cum summa veneratione mens in & intimo fervore præbeo & offero. tem,

Nihil opto mihi reservare, sed mecum a & omnia mea tibi sponte & libentia sponsi, sine immolare. tio ga

Domine Deus meus, creator go m meus, & redemptor meus, cum inflam tali affectu, reverentia, laude & ho psum nore; cum tali gratitudine: dignitate, & amore; cum tali fide, spe Und & puritate, te affecto hodie suscipium pere, sicut te suscepit & desideratus, vit sanctissima mater tua, gloriosa natura virgo Maria, quando Angelo evangelizanti sibi incarnationis mysterium o rium, humiliter ac devote respondit: *Ecce ancilla Domini, fiat mihi ab om ta cel me & menda* secundum verbum tuum.

3. Et sicut beatus præcursor tuus
excellentissimus Sanctorum Joannes
Baptista in præsentia tua lætabun-
tus exultavit in gaudio Spiritus
sancti, dum adhuc maternis claude-
retur visceribus: & postmodum cer-
nens inter homines Jesum ambulan-
tem, valde se humilians, devoto
affectu dicebat: *Amicus autem*
sponsi, qui stat, Et audit eum, gau-
dio gaudet propter vocem sponsi: sic
ego magnis & sacris desideriiis opto
inflammari, & tibi ex toto corde me-
ipsum præsentare.

Unde & omnium devotorum cor-
dium jubilationes, ardentis affe-
ctus, mentales excessus, ac super-
naturales illuminationes, & cœli-
as visiones tibi offero & exhibeo,
cum omnibus virtutibus & laudibus
ab omni creatura in cœlo & in ter-
ra celebratis, & celebrandis, pro
me & omnibus mihi in oratione com-
mendatis; quatenus ab omnibus dig-
ne

Y 2 ne

ne lauderis, & in perpetuum glorificeris.

4. Accipe vota mea Domine Deus meus, & desideria infinitæ laudationis, ac immensæ benedictionis, ac gratiæ tibi, secundum multitudinem ineffabilis magnitudinis tuæ jure debentur.

Hæc tibi reddo, & reddere desidero per singulos dies & momenta temporum; atque ad reddendum tecum tibi gratias & laudes omnes coelestes spiritus, & cunctos fideles tuos, precibus & affectibus invito & exoro.

5. Laudent te universi populi, tribus, & linguæ; & sanctum ac mellifluum nomen tuum cum summa jubilatione, & ardenti devotione magnificent.

Et quicumque reverenter ac devote altissimum Sacramentum tuum celebrant, & plena fide recipiunt, gratiam & misericordiam apud te

venire mereantur, & pro me peccatore suppliciter exorent.

Cumque optata devotione, ac fruibili unione potiti fuerint. & benedictionis gratia consolati, ac mirifice refecti, de sacra mensa coelesti abscesserint, mei pauperis recordati dignentur.

CAPUT XVIII.

Quod homo non sit curiosus scrutator Sacramenti, sed humilis imitator Christi, subdendo sensum sacræ fidei.

VOX DILECTI.

I. Cavendum est tibi a curiosa & inutili perscrutatione hujus profundissimi Sacramenti, si non vis in dubitationis profundum submergi.

Qui scrutator est majestatis, operimetur a gloria. Plus valet Deus operari, quam homo intelligere potest